

Acordo de Mesa do Parlamento de Galicia do 29 de abril de 2025 polo que se convoca o procedemento ordinario de recoñecemento de grao de carreira profesional para os empregados e empregadas públicas do Parlamento de Galicia.

A Mesa da Cámara aprobou o 17 de decembro de 2018 as Normas básicas da carreira profesional do persoal da Administración parlamentaria. No artigo 7 das anteditas normas establécese que se convocará anualmente, no primeiro cuadrimestre, o procedemento de recoñecemento de graos de carreira profesional para as empregadas e os empregados públicos incluídos no seu ámbito de aplicación.

Xa que logo a Mesa adopta o seguinte ACORDO:

1º. Abrir o prazo de presentación de solicitudes do proceso ordinario para o recoñecemento do grao I de carreira profesional, segundo se establece no artigo 7 das normas básicas. Esta convocatoria está dirixida ao persoal funcionario e laboral que se atope en servizo activo, ou en calquera das situacións que comportan reserva de praza ou posto de traballo, no momento desta convocatoria

Para poder perfeccionar o grao I de carreira profesional retribuído, a empregada ou empregado público, segundo se establece no apartado 3 do artigo 4 das normas básicas, deberá reunir os seguintes requisitos:

- a) Contar con cinco anos de permanencia no grao inicial de carreira profesional. Este grao inicial, que non comporta retribución, realízase de forma automática dende a toma de posesión como persoal funcionario ou persoal laboral da Cámara.
- b) Acadar unha avaliación favorable, realizada segundo as Normas reguladoras da avaliación do desempeño do persoal ao servizo da Administración do Parlamento de Galicia, aprobadas por acordo da Mesa da Deputación Permanente do Parlamento de Galicia, na sesión do día 14 de febreiro de 2020.
- c) Acreditar unha formación mínima de 90 horas para o persoal do grupo A, de 80 horas para o persoal do grupo B e de 60 horas para o persoal dos grupos C e D, en calquera dos ámbitos relacionados coas funcións e actividades que se desenvolven na Institución, ou de ter impartido formación nas dependencias parlamentarias ou fora delas, segundo o establecido no apartado 5 do artigo 4 das Normas básicas reguladoras da carreira profesional do persoal ao servizo da Administración do Parlamento de Galicia.



A formación válida para acadar o grao I de carreira profesional deberá ser realizada durante o tempo de prestación de servizos no grao inicial de carreira profesional e ter participado con aproveitamento na formación impartida no Parlamento de Galicia ou por escolas oficiais de formación das comunidades autónomas, universidades, administracións públicas ou por outras entidades, sempre que neste último caso, contén con homologación oficial de escolas públicas.

2º. As solicitudes, que se deberán presentar no Rexistro do Parlamento xunto coa documentación que acredita a formación esixida, se non consta xa na Administración, parlamentaria realizaranse utilizando o formulario que se achega con esta convocatoria.

A documentación acreditativa da formación que se presente en papel deberá ser orixinal ou estar compulsada.

No caso de presentación por sede electrónica, a compulsa dos orixinais en papel debe ser electrónica, de acordo co artigo 29 do Decreto 191/2011, do 22 de setembro, de organización e funcionamento dos rexistros da Administración xeneral e das entidades públicas instrumentais da Comunidade Autónoma de Galicia. Os documentos orixinais asinados electronicamente serán válidos sempre que se mantiveren en soporte electrónico. Os documentos electrónicos con código de verificación CSV serán válidos en calquera soporte, pois a través do número de referencia poderá cotexarse co orixinal.

3º O prazo para presentar as solicitudes será de vinte días hábiles, que se contarán a partir do día seguinte ao da publicación do anuncio desta convocatoria no *Boletín Oficial do Parlamento de Galicia*.

Santiago de Compostela, 30 de abril de 2025

Miguel Ángel
Santalices
Vieira,
Presidente

Firmado digitalmente por Miguel Ángel Santalices Vieira, Presidente
Nombre de reconocimiento (DN):
cn=Miguel Ángel Santalices Vieira,
Presidente,
email=miguel.angel.santalices.vieira@parlamentodegalicia.es
Fecha: 2025.04.30 12:48:46 +02'00'

Miguel Ángel Santalices Vieira
Presidente



PROCESO ORDINARIO DE IMPLANTACIÓN DA CARREIRA PROFESIONAL NO
PARLAMENTO DE GALICIA

SOLICITUDE DE RECOÑECIMENTO DO GRAO I

(artigo 7 das Normas que regulan a carreira profesional
horizontal do persoal ao servizo do Parlamento de Galicia)

NOME E APELIDOS:		DNI:
CORPO OU ESCALA E GRUPO:	UNIDADE ADMINISTRATIVA:	

Solicita á Mesa do Parlamento o recoñecemento do GRAO I da carreira profesional.

Relación de cursos de formación, actividades formativas impartidas, segundo o establecido no apartado 5 do artigo 4 das Normas básicas reguladoras da carreira profesional do persoal ao servizo da Administración do Parlamento de Galicia, que xustifican a formación mínima exixida e que se vinculan ao grao I, indicando o número de horas de cada unha delas e se xa constan acreditadas na Administración parlamentario ou se achega copia compulsada do documento acreditativo da súa realización.

Denominación do Curso	horas	acreditación compulsada	consta na A. P.

Data:

Sinatura do/a empregado/a



Os datos de carácter persoal que se faciliten nesta solicitude quedarán rexistrados nun ficheiro da Administración do Parlamento de Galicia, de conformidade co establecido no Regulamento UE 679/2016, xeral de protección de datos, e segundo o rexistro de actividade de tratamento denominado "xestión de procedemento de persoal" do Parlamento de Galicia.

Finalidade do tratamento: o Parlamento trata datos de carácter persoal a efectos de xestión e administración dos recursos humanos do Parlamento de Galicia. O tratamento dos datos de carácter persoal limitarase ao mínimo imprescindible para o cumprimento das súas funcións ao servizo desta administración. Os datos persoais non serán tratados de maneira incompatible cos ditos fins nin para a adopción de decisións automatizadas, incluída a elaboración de perfís.

Lexitimación: o cumprimento de obrigas legais e exercicio de poderes públicos segundo o disposto no (art. 6.1 c) do RXPd.

Destinatarios: a administración do Parlamento de Galicia. Non está prevista a cesión destes datos a terceiros.

Exercicio de dereitos: as persoas solicitantes poderán exercer os seus dereitos, previstos nos artigos 15 ao 22 do Regulamento xeral de protección de datos, a través da páxina web: <http://www.parlamentodegalicia.gal/Portada/ProteccionDatos> na que dispoñen de información adicional.



Asinado dixitalmente por:

Miguel Ángel Santalices Vieira, Presidente na data 30/04/2025 12:48:46



PARLAMENTO DE GALICIA
REXISTRO XERAL SAÍDA
Data asento: 30/04/2025 12:49:37
Nº Rexistro: 6756
Data envío: 30/04/2025 12:49:37.616

CSV: REXPG-hHqWCQD6l-5
Verificación:
<https://sede.parlamentodegalicia.gal/tramites/csv/>



Asinado dixitalmente por:

REXISTRO ELECTRÓNICO na data 30/04/2025 14:48:37



PARLAMENTO DE GALICIA
REXISTRO XERAL SAÍDA
Data asento: 30/04/2025 12:49:37
Nº Rexistro: 6756
Data envío: 30/04/2025 12:49:37.616

CSV: REXPG-hHqWCQD6l-5
Verificación:
<https://sede.parlamentodegalicia.gal/tramites/csv/>

